



01-07-2024

Sags nr. 2024 - 12824
Akt nr. 24327121

Postboks 1015
3900 Nuuk
Tlf. (+299) 34 50 00
E-mail: govsec@nanoq.gl
www.naalakkersuisut.gl

Kuno Fencker,
Inatsisartuni Ilaasortaq, Siumut

Kalaallit Danmarkimiittut inuiattut ikinnerussuteqartut akuerisaanissaat pillugu – § 37 naapertorlugu apeqquut nr. 126/2024- mut akissut

Asasara Kuno Fencker

Inatsisartut suleriaasianni § 37 imm. 1 naapertorlugu, tulliuuttunik
Naalakkersuisunut apeqquaqarputit. Apeqquutinnut, uagutsinnit akineqartussatut
innersuunneqartunut qujavugut.

Apeqquutit tulliuuttumi allanneqarlutillu akineqarput.

1. Naalakkersuisut kalaallit Danmark-imi najugaqartut inuiattut ikinnerussuteqartut akuerineqarnissaat pillugu naalagaaffimmut attaviginninnikuuppat?

Akissut:

Kalaallit Danmarkimiittut inuiattut ikinnerussuteqartut akuerisaanissaminnik
kissaateqarnersut pillugu misissuineq aallartinneqassasoq noqqaassutigalugu,
Naalakkersuisut qanittukkut naalagaaffeqatigiinnermi oqartussaasunut
pisortatigoortumik saaffiginnissuteqarput.
Naalakkersuisut pisortatigoortumik saaffiginnissuteqarnissaat naleqquttumik
pinissaa qulakkeerumallugu, pisortatigoortumik saaffiginnissuteqarnissaq
sioqqullugu Kalaallit Nunaata, Danmarkillu akornanni atorfilittat ataasiaannaratik
attaveqarput.

a. Taamaassimappat, attaveqarneq tamanna qanoq kinguneqarpa?

Akissut:

Naalakkersuisut naalagaaffeqatigiinnermi oqartussaasunut pisortatigoortumik
saaffiginnissutaat qanittukkut aatsaat nassiunneqarmat, Naalakkersuisut
saaffiginnissutaannut naalagaaffeqatigiinnermi oqartussaasut suli
akissuteqanngillat. Aasaanerani feriareernerup kingorna akissuteqassasut
naatsorsuutigineqarpoq.

b. Taamaassimangippallu, attaveqarnerup qaqugukkut pinissaa naatsorsuutigineqarpa?

Akissut:

Apeqquut 1-imut akissut innersuussutigineqarpoq.

2. Naalackersuisut naalagaaffiup tungaaninngaanniit akissummik tingusaqarnikuuppat?

Akissut:

Apeqquut 1.a.-mut akissut innersuussutigineqarpoq.

a. Taamaassimappat, akissut tamanna qanoq imaqarpa?

Akissut:

Apeqquut 1.a.-mut akissut innersuussutigineqarpoq.

b. Taamaassimangippallu, qaqugu akissuteqartoqarnissaa naatsorsuutigineqarpa?

Akissut:

Apeqquut 1.a.-mut akissut innersuussutigineqarpoq.

3. Naalackersuisut qanoq pilersaaruteqarpat naalagaaffiup oqartussaasui peqatigalugit, inatsisit sinaakkutaasut marluk pineqartut Kalaallinut Danmarkimi najugaqartunut qulakkeerinninnissaanut?

Akissut:

Inatsisinut sinaakkutaasut taakkua marluk, tassalu Europarådets Rammekonvention for Nationale mindretal (FCNM) (Inuiannut ikinnerussuteqartunut Europami siunnersuisooqatigiit Sinaakutissatut isumaqatigiissutaasa) aamma Den Europæiske Pagt om Regionale Sprog eller Mindretalssprog (Sprogpagten) (Nunap Immikkoortortaani oqaatsit imaluunniit Ikinnerussuteqarlutik oqaatsit pillugit Europami Suleqatigiissutip), ataanni Kalaallit Danmarkimiittut qulakkeerineqarnissaanni siullertut alloriaateqarnissami, Kalaallit Danmarkimiittut inuiattut ikinnerussuteqartutut akuerisaanissaminnik siammasissumik kissaateqarnersut siullertut misissugassaavoq.

Misissuinissaq pillugu oqaloqatigiinnissaq, misissuinernullu atatillugu Danmarkimi kalaallit immikkoortortaannik, aaqjissuussisimaneririk

peqatigiiffiinillu attuumassuteqartunik suleqatissaqqissinnaasunik ujartuinissami, misissuinermut tassunga atatillugu Naalakkersuisuit atorfilittatik naalagaaffeqatigiinnermi oqartussaasunit saaffigineqarsinnaatissavaat.

4. Kalaallit Danmarkimi najugaqartut pisinnaatitaaffiisa kinaassusaasalu illersorneqarnissaat pillugit pilersitsiniarnernik suliniutinilluunniit allanik pilersaaruteqartoqarpa?

Akissut:

Kalaallit Danmarkimiittut inuiattut ikinnerussuteqartut akuerisaanissaminnik kissaateqarnersut paasiniarneqarnissaannut atatillugu kalaallit pisinnaatitaaffii, kinaassusaallu qanoq illersorneqarsinnaanersut pillugit oqaloqatigiinnissaq siunertaralugu, naalagaaffeqatigiinnermi Danmarkimi oqartussaasut Naalakkersuisut akissiissavaat.

5. Suliap matuma ingerlanneqarnerani Naalakkersuisut kalaallinut Danmarkimi najugalinnut qanoq akuutitsiniarpa?

Akissut:

Ikinnerussuteqartut akuerisaanissaq naalagaaffeqatigiinnermi oqartussat susassaqarfigimmassuk, Kalaallit Danmarkimiittut inuiattut ikinnerussuteqartut akuerisaanissaminnik kissaateqarnersut pillugu naalagaaffeqatigiinnermi oqartussaasut misissuissasut noqqaassutigalugu, Naalakkersuisut Danmarkimi naalakkersuisunut saaffiginnissuteqarput. Manna pillugu naalagaaffeqatigiinnermi oqartussaasunut saaffiginnissuteqarnermi suleriaaseq tamanna Inatsisartut aamma aalajangigaraat. Taassumap saniatigut apeqqut 3-mut akissut innersuussutigineqarpoq.

a. ilaatigut soorlu, Sinniisoqarfik Københavninmiittoq imaluunnii kattuffiit allat Kalaallit Nunaata, Aningaasanut Inatsit aqputigalugu, tapiiffigisartagai.

Akissut:

Apeqqut 1-imut akissut innersuussutigineqarpoq.

Inussiarnersumik inuulluaqqusillunga

Med venlig hilsen


Vivian Motzfeldt

